



D. O. M.

THESES ANATOMICÆ  
ET  
CHIRURGICÆ.



ARIIS corporis humani noxiis à Chirurgo medelam afferri non posse, nisi Physiologiæ, Hygiæ, Pathologiæ, Therapeutices Anatomiæque præsertim principia apprimè calluerit, apud omnes in confesso manet. Bubonis venerei in glandulis præcipua sedes; itaque de illo acturi, glandularum structuram, differentias & usus per quàm breviter in antecessum exponemus.

EX ANATOMIA.

I.

IN gyrum movetur sanguinis massa quæ primo intuitu ex raris & lymphaticis globulis omninò quasi constari videtur; verum



2

hanc humoribus diversimodè configuratis, variâ indole præditis, usibusque diversis inservientibus turgere pater.

I I.

Ex his, alii, ut saliva, humor pericardii, peritonæi &c. à sanguine secernuntur vasis secreto-excretoriis, ut vocant; & extra corpus tanquam inutiles ejiciuntur, aut cum sanguine deviâ circulatione denuò miscentur; lymphæ verò vasis lymphaticis ab ipso immediatè segregatur, peculiarem circuitum subitura. His operationibus peragendis præcipuè inserviunt glandulæ, quas in secernentes, lymphaticas & nothas vel spurias dividimus. An secernant? an lympham perficiant hæc ultimæ? ob rei difficultatem hætenus liquidò determinare non potuerunt Anatomici; idcirco tale nomen aliundè à nonnullis indicatum illis imponere juvat. e. g. Thyroidea.

I I I.

CORPUSCULUM quodvis ex vasis omnimodè intertextis conflatum, extus peculiari membranâ cinctum, intus cavum & canali excretorio donatum glandulæ secernentis nomine insignitur; pars vero substantiâ, fibrosâ, parenchymatosâ, vesiculosa nec non lymphaticorum furculis prædita, nervis, sanguiferisque vasis irrigata, duplici involucro inclusa, magnitudine & figurâ varia, glandula lymphatica audit: secernentes; salivales, pancreaticæ, &c. Lymphaticas è contra; mesaraicæ, jugulares, inguinales &c. glandulæ probant.

I V.

QUÆDAM ex his omnibus sunt conglobatæ ex unico corpusculo constantes; sive secernant, ut intestinales Peyerii & Peklini; &c. Hæc in crassioribus solitariè, illæ verò in tenuioribus intestinis racematim congestæ villosam tunicam inter & cellulosa Albinii utraq; sitæ; sive lympham perficiant, quales sunt axillares &c. Quædam conglomeratæ, quæ ex pluribus secernentibus simplicibus adunatis, unicâ communi tunicâ cellulosa simul involutis; componuntur. e. g. pancreas &c. Compositæ & simplices à Boerhaavio nuncupantur.

V.

A situ, figurâ, magnitudine, colore, consistentiâ, usu & munere prædictas partes innumeras accepisse denominationes,



3

eam omnibus notum, ut hîc verbis indicare prolixius necessum non existimemus.

## V I.

**SECERNENTIUM** glandularum usus est liquidum secretum vel extrâ cutim propellere ut subcutaneæ aut sebaceæ fortasseque sudoriferæ, Miliæres dictæ; vel in cavum quoddam stilletim infundere ut forâs eliminetur, internè-ve absorbetur, aut partim intus partim extus, & sanguini mediâtè vel immediâtè rursus insinuetur, ut in pituitariis nasi, plexûs choroidei, salivalibus, gastricis, innumerisque aliis conspicuum.

## V I I.

**CIRCA** secretionem variæ propositæ fuerunt sententiæ mechanicis legibus non æquè consonæ; cum verò natura ubique suis in operibus simplex sit constans & uniformis, hinc illis assentimur qui vasorum osculis, liquido per illa transituro paulò majoribus eas perfici contendunt. Ubi excretio momentanea & deest receptaculum commune ad recipiendum & quodam temporis spatio fovendum & asservandum liquorem à vicinis partibus segregatum, ibi glandulam adesse censemus. Ex hoc fundamento ab aliis secretionum organis folliculo duntaxat & canali excretorio ex illo prodeunti glandulas differre, ad secretionem nihil præstare sed receptorii tantum officio fungi, & cerebrum, renes &c. è numero illarum eximendos esse cuius attendenti facilè obvium.

## V I I I.

**MANIFESTUS** licet haud sit glandularum lymphaticarum usus, attamen illas lymphæ elaborationi inservire omnibus fere cum Anatomicis autumamus. Hæ glandulæ vasis equidem sanguineis & nervis irrorantur; verum quamnam sequuntur viam? In interiori liquidum lymphæ mutationi aut ipsius perfectioni idoneum evomunt-ne? Illæ opiniones etsi veritati proximæ uberiori Anatomicorum disquisitioni committendæ.



## EX CHIRURGIA.

*Sperne voluptates, nocet empty dolore voluptas.*

### I.

**T**OT & omnium sævissima ex impuro concubitu nascuntur mala, quot ex legitimo amplexu amœnitates & deliciae exurgunt. Malorum catervam parit omnesque corporis partes immaniter depascit tabes venerea, sanguinem aut potius lympham inficit id morbigenus; Prothei ad instar innumeras agit tragœdias, & gonorrhœam, cancos, artuum dolores, exostoses, bubones &c. producit; hos ultimos tantum pertractare animus est.

### I I.

**TUMOR** durus, renitens, plus minus-vedolens, ad suppurati-  
onem ut plurimum difficilè vergens, inguinales, jugulares, parotides,  
&c. glandulas occupans; à coitu impuro, lactatione &c. mediatur  
vel immediatè exortus, Bubo nuncupatur.

### I I I.

**A**B essentiâ, tempore, situ, accidentibus varias mutuatur  
differentias; unde essentialis aut primitivus, criticus aut sympto-  
maticus meritò dicitur; pudendagræ quandoque comes; luem  
veneream quandoque indicat.

### I V.

**ESSENTIALIS** ex impuro congressu immediatè vel paulò  
post prodit; symptomaticus è contrâ, suppressæ parcius-ve fluenti  
gonorrhœæ succedit; cancos veretri in viris aut pudendi in fœminis  
comitatur, vel nullâ proximè prægressâ causâ manifestâ super-  
venit.

### V.

**PHLEGMONEM**, schirrum, œdema æmulantur bubones. Ovi co-  
lumbini, gallinacei, pugni quandoque molem adæquant. Alter-  
utrum vel utrumque inguen infestant. Nunc unicam, nunc plures  
infarciunt glandulas.



V I.

**LYMPHA** lue infecta & in glandulis inguinum convector, inibi sistitur, coagulatur, unde ingurgitatio, tumor, incipiente malo exiguus; novo lymphæ jugiter fluentis aggestu iterum distenduntur glandulæ & crescit tumor; inflatione dolet, calet, pulsatur, & phlegmonosus, aut indurescit & schirrosus, vel tandem mollior fit saltem superficie tenus & œdematosus subnascitur bubo.

V I I.

**PHLEGMONODES** faciliè resolvitur, si non in suppuratum vertit; Schirrodes verò difficillimè & ad duritiem propensius accedit; facile quidem, quoad superficiem, resolvitur œdematodes bubo, liquidiori autem sero exhalato spissior fit lymphæ cellulis impacta & resolutioni aut suppurationi concipiendæ parum idonea.

V I I I.

**SÆPE** sæpius incessus difficilis & ad statum pervenit bubo immutato cutis colore; glandulas prætereunte seminio venereo, sanguinem pervadit, totam illius massam lue inquinat, & similia in glandulis, diversa verò aliis in partibus procreat mala.

I X.

**BUBONES** venerei, à benignis, pestilentialibus, strumosis; scorbuticis herniisque signis peculiaribus necnon symptomatibus facile distinguendi.

X.

**VEL** æqualem præbent superficiem & unica, vel inæqualem & plures seminio contaminantur glandulæ. Hi compositi, illi simplices vulgò denominantur. Si calor, dolor, pulsus in tumore sint insignes, phlegmonodem; si moderatiores, & prementis digiti vestigium faciliè admittat & tardè dimittat, œdematodem; si tandem horum fermè expers durior remaneat & validè renitatur, schirrodem bubonem adesse certò pronuntiabit. Denique ægrum percontanti præcedentibusque attendenti iudicatu facile an essentielles, an gonorrhææ cancerorum-ve comites, an syphilidis latentis indicia sint bubones venerei.



## X I.

ESSENTIALES, modo necessariae adhibeantur cautela curatur faciles, difficiliore symptomati. Phlegmonosi, facilius oedematosis & schirrosis resolvuntur aut suppurant; hi enim in veri schirri plerumque & in carcinomati aliquando degenerant naturam; delitescunt periculosiores habeantur.

## X I I.

PRO diversa bubonis naturâ varia medendi ratio; ad unum tamen idemque caput præcipue revocanda. Pro luis venereæ indicio bubonem agnoscunt Sapientiores Artis Magistri; hinc ipsum non solis topicis curatione locali, sed hydrargiro si tutius impugnandum; hinc ipsius resolutionem aut suppurationem ex topicis infidas concludimus.

## X I I I.

BUBO essentialis, ex recenti lue oriundus leviori hydrargi-rosi profligatur. Criticus verò, syphilidis vetustioris vulgò soboles, ampliori feliciter debellatur; variis pro re natâ in utroque non neglectis remediis topicis, vel internis ritè inter se consociatis.

## X I V.

ANTE omnia præmittenda generaliora remedia; venæ sectiones largâ copîâ si phlegmonodes, parciore si oedematodes aut schirroides fuerit bubo; Cathartica leniora in priori, fortiora in aliis adhibenda; Balnea, diæta tenuis, potus diluens, aliæque imperanda.

## X V.

BUBONI plurima competit curatio localis, à variis topicis, scalpello causticis petenda. Cucurbitulæ à nonnullis laudatæ tanquàm inutiles rejiciantur.

## X V I.

RESOLUTIONE, suppuratione, vel induratione frequentiore exitum obtinet bubo. In priori casu, anodina, emollientia, & resolventia præsertim mercurialia tumori superimponantur. Si suppuretur auctis accidentibus, anodina, maturantia, peptica admoveantur. Induratus denique ne malo novam ansam præbeat, si possibile, excidatur.

## X V I I.

RESOLUTIONE, quantum possibili, cautè tamen tentandâ curandus Bubo. Suppurat verò quandoque, & varia in hoc casu,



7

pro variâ suppurationis naturâ curandi via. Ut exitus puris concilietur, ferrum vel caustica temerè non adhibeantur.

X V I I I.

ANTE perfectam puris coctionem præmatura à nonnullis laudata nocet incisio. Pure confecto glandulisque perfectè suppuratis, si phlegmonosus fuerit bubo, pus ne sinus efformet, incisione eliminandum; quod, si lento pede congestum, nullo modo necessarium, naturæque committendum felix demonstrat praxis.

X I X.

BUBONI œdematoso aut schirroso, ferrum & caustica utiliter admoventur. Suppurati margins duri scarificandi vel causticis urendi; carnes fungosæ & luxuriantes levioribus corrosivis reprimendæ; glandularum fragmenta, si quæ sint, scalpello aut causticis eximenda, sinus detergendi, cicatrix promovenda.

X X.

CÆTERUM generatim bubo phlegmonodes topicis vel scalpello curandus; œdematodes per resolventia & scarificationes dissipandus, schirroides vel sectione totali vel causticis extirpandus.

*Has Theses, DEO JUVANTE & Præside M. ROBERTO-FRANCISCO RUFFEL, Artium & Chirurgiæ Magistro, Pathologiæ Professore Regio, tueri conabitur, GUILLELMUS-STEPHANUS-MARIA RUFFEL, Parisinus, in almâ Universitate Parisiensi Liberalium Artium Magister.*

P A R I S I I S,

IN REGIIS CHIRURGORUM SCHOLIS.

*Die Martis 10<sup>a</sup> Julii à sesqui-secundâ post meridiem  
ad Septimam. Anno Domini 1753.*

P R O A C T U P U B L I C O,

E T

M A G I S T E R I I L A U R E A.

---

Typis DELAGUETTE Regii Chirurg. Collegii  
Typographi. 1753.



ARTIS PRACTICAE  
MAGISTER  
H. J. VAN DER  
WATER

IN REGIO CHIRURGICUM  
SCHOOLIS  
DIE MARS 1811  
ED. SEYMANN. Anno Domini 1773.

PRO ACTU PUBLICO  
ET  
MAGISTERII EXORNA

Typis Delaquerre Regii Chirurg. Collegii  
Typographi. 1773.